

佛形像其福如是作佛形像後世作帝王中
復最尊勝於諸國王諸國王所歸仰作佛形
像其得福如是作佛形像後世作遮迦越王
飛行上天後來下自恣在所作為無所不
至作佛形像其得福如是作佛形像後世生
第七梵天上壽一劫智慧無有能及者作佛

形像死後不復在惡道中生者常自守節
心念常欲求佛道作佛形像其得福如是作
佛形像後世生常敬佛慈心於經常持雜繒
綵好華好香然燈火諸天下珍寶奇物持上
佛舍利其後無數劫會當得涅槃道人有出
意持珍寶上佛者皆非凡人皆是前世故作
佛道作佛形像其得福如是作佛形像後世
得福無有窮極盡時不可復稱數四天下江
海水尚可斗量枯盡作佛形像其得福過於
四天下江海水十倍後世所生為人所敬護
作佛形像譬若天雨水人有好舍無所畏作
佛形像後世死不復更涅槃禽獸辟荔惡道

中生其有人見佛形像以慈心义手自歸於
佛塔舍利者死後百劫不復入涅槃禽獸辟
荔中死即生天上天上壽盡後來下生世間
為富家作子珍寶奇物不可勝數然後會當
得佛涅槃道

佛告王作善者作佛形像其福得祐如是不
唐其王歡喜前為佛作禮以頭面着佛足王
群臣皆為佛作禮而去壽終皆生阿弥陀佛國
佛說作佛形像經

佛說龍施女經

聞如是一時佛遊於維耶離奈氏樹園與大
比丘眾千二百五十人俱及五百眾菩薩佛
以晨旦着衣持鉢入城分衛眾會皆從諸天
龍神香華伎樂倍於常時佛到長者須福門

大宋國嘉興府華亭縣長人鄉十六保顧望塘橫溪南居奉
佛弟子樂伯安妻何氏十娘男秀樛媳婦何氏三十六娘家眷等
發心捨財奉拾寶文恭入平江府碩砂延聖院刊造大藏
佛說作佛形像經一卷所集功德用答
諸天三界合家大小本命元辰星官伏願求大吉祥如意者
嘉熙三年七月 日幹緣惜 志願等 題

吳月支優婆塞支謙譯

外須福有女名曰龍施厥年十四時在浴室
澡浴塗香著好衣爲佛眉間毫相之光照七
重樓上東向見佛在門外住容貌端正如星
中有月奇相衆好金色從容諸根寂定女大
歡喜則自念言今得見佛及衆弟子當以發
意作菩薩行願令我得道如佛魔見女發大
意心爲不樂念言是女今興大福及欲求佛
必過我界多度人民今我當往壞其道意魔
便下化作女父形像被服謂龍施言今所念
者大重佛道難得億百千劫勤勞不解然後
乃成今世幸有佛不如求羅漢既要易得且
俱度世涅洹無異何爲貪佛父負勤苦汝是
我女故語汝耳龍施對曰不如父言羅漢與
佛雖俱度世功德不同佛智大度如十方空
度人無極羅漢智少若一時耳何有高才樂
於小者魔復言未曾聞女人得作轉輪聖王
況乃欲得作佛佛道長父不如求羅漢早取
涅洹龍施報言我亦聞女人不得作轉輪聖

王不得作帝釋不得作梵王不得作佛我當
精進轉此女身意念作男子身蓋聞天下遵
行菩薩道億劫不懈者後皆得作佛魔見女
意不轉益用愁毒更作急教言作菩薩行者
當不貪世間不惜於壽命今汝精進能從樓
上自投於地者後可得佛龍施念言今我見
佛乃自愛欲菩薩道父有教以精進棄身可
得佛道我何惜此危脆之命女即於欄邊叉
手向佛言我今自歸天中之天以一切愍念
知我所求請棄軀命不捨菩薩以身施佛願
而散華以便縱身自投樓下於空中未及至
地女身則化成男子時佛乃笑五色光從口
出照一佛刹還從頂入賢者阿難長跪問曰
佛不妄笑願聞其意佛言阿難汝見此女自
投空中化成男子不對曰見佛言此女乃前
世時以事万佛後當供養恒沙如來却至七
億六千万劫當得作佛号名龍盛其壽一劫
般涅洹後經道興盛半劫乃滅時佛說法當

度九十七億万人令得菩薩及阿羅漢道是時人民飲食當如第二忉利天上於是龍施身住佛前報父母言願放捨我得作沙門父母即聽諸家親屬合五百人及八百天神見女人龍施化成男子皆發無上正真道意魔王見衆人求佛更多憂愁不樂慙愧而歸佛說是時莫不歡喜

幹緣道者張可暹

佛說龍施女經

本宋國嘉興府華亭縣長人鄉十六保額望塘橫涇南居奉

佛弟子葉伯安泊合家等發心施財刊造

大藏佛說龍施女經一卷所集功德用薦門中

三代内外宗親仗此良因超昇

佛界仍保人口平安祈求遂意者

嘉興二年七月

日暮緣僧

志勳等

題

佛說龍施菩薩本起經

女三

西晉三藏法師竺法護譯

聞如是一時佛遊維耶離奈女樹園與大比丘衆千二百五十五千菩薩及無央數天人時佛說經衆會皆定龍施菩薩立於佛前作師子吼嗟歎大乘說前世行積功累德不惜

形像四王

五

子

身命不計吾我無所希求白佛言過去世時有一般遮旬在叢樹下精進行道心無所着常愍十方人及蠕動之類行四等心慈悲喜護常食果蔬而飲泉水不慕世榮無所貪惜得五神通以自娛樂何等爲五眼能徹視耳能徹聽身能飛行了衆人根自知本末在其山中誦習經義晝夜不懈時有毒蛇見般遮旬晝夜誦經心大歡悅前詣般遮旬所稽首作禮取草用掃含水灑地供事道人不敢懈慢常在左側聽經不離般遮旬所說經毒蛇輒悉諷誦如是數月之中轉向冬寒樹木華果遂復欲盡般遮旬心念言冬寒以至華果以盡無所依怙我今當還止於人間便取衣鉢即欲發去毒蛇時見悲泣淚出白道人言欲何至乎道人荅曰寒冷且至亦無屋舍華果復盡無以自活故相捨去欲入郡國毒蛇聞之益甚悲哀白道人言道人在此如依太山晝夜樂法其心不傾今捨我去無所恃怙